



CONVENIO DE DE COOPERACIÓN ENTRE A CONSELLERÍA DE CULTURA, EDUCACIÓN E ORDENACIÓN UNIVERSITARIA E O PARLAMENTO DE GALICIA PARA A ORGANIZACIÓN DE VISITAS GUIADAS ÁS SEDES DA XUNTA DE GALICIA E DO PARLAMENTO GALEGO POR ALUMNADO DE CENTROS ESCOLARES GALEGOS DE TITULARIDADE PÚBLICA

MEMORIA XUSTIFICATIVA

O secretario xeral técnico da Consellería de Cultura, Educación e Ordenación Universitaria, **DECLARA** Que esta Consellería formaliza co Parlamento de Galicia o instrumento convencional arriba referido por un período de vixencia que abrangue dende a súa sinatura ata o 1 de setembro de 2020.

Que o instrumento convencional ten por obxecto a organización dun Programa educativo apoiado en visitas didácticas de escolares de centros educativos galegos sostidos con fondos públicos ás sedes da Xunta de Galicia e do Parlamento Galego, de xeito que reciban a información sobre o desenvolvemento das principais funcións de cada unha destas institucións autonómicas e coñezan as dependencias onde as desenvolven, tomando conciencia da responsabilidade e compromiso que as dúas institucións teñen coas xeracións máis novas.

A finalidade das visitas é que o alumnado do presente exerza os seus dereitos democráticos futuros de xeito responsable e activo a través do afondamento no coñecemento existente sobre as competencias funcionais exercidas polos poderes lexislativo e executivo de Galicia, a fin de promover entre a xente nova unha conciencia democrática presente e futura.

Con tal obxecto, a Consellería de Cultura, Educación e Ordenación Universitaria e o Parlamento de Galicia consideran moi oportuno promover e desenvolver un Programa de actividades que encaixe no proceso educativo continuo de formación dunha cidadanía democrática, activa e responsable, garante dunha boa convivencia política e social e, en consecuencia, existe converxencia de intereses entre as entidades asinantes en orden á consecución do obxecto referido.

O instrumento convencional se fundamenta en:

1º. Que a Comunidade Autónoma de Galicia ostenta, en virtude do artigo 31 da Lei Orgánica 1/1981, do 6 de abril, do Estatuto de Autonomía para Galicia, a competencia plena da regulación e administración da ensinanza en toda a súa extensión, niveis e graos, modalidades e especialidades, no ámbito das súas competencias, sen prexuízo do disposto no artigo 27 da Constitución e nas leis orgánicas que, conforme ao





apartado primeiro do artigo 81 da mesma o desenvolvan, das facultades que atribúe ao Estado o número 30 do apartado 1 do artigo 149 da Constitución e da alta inspección necesaria para o seu cumprimento e garantía.

2º. Que, tanto o Parlamento de Galicia, como a Xunta de Galicia teñen a misión de promover as competencias asumidas pola Comunidade Autónoma dentro do ámbito das súas respectivas competencias.

Neste sentido, o Parlamento de Galicia é o órgano superior deliberante de representación do pobo galego, no que reside a potestade lexislativa da Comunidade Autónoma.

Á súa vez, á Consellería de Cultura, Educación e Ordenación Universitaria, no seo da Xunta de Galicia, correspóndelle o desenvolvemento das competencias executivas autonómicas en materia de ensinanza, ao abeiro do Decreto 4/2013, do 10 de xaneiro, polo que se establece a súa estrutura orgánica.

3º Que os asinantes do convenio de cooperación consideren importante abrir as portas da Xunta de Galicia e do Parlamento Galego aos escolares, facéndooos partícipes da sociedade democrática á que pertencen, despertando o seu interese pola autonomía galega dende o coñecemento do aparato institucional da organización política e administrativa.

4º Que a Lei Orgánica 2/2006, de 3 de maio, de Educación, segundo a redacción dada pola Lei Orgánica 8/2013, de 9 de decembro, para a mellora da calidade educativa, establece entre os principios e os fins do ensino obrigatorio, o exercicio da cidadanía activa e responsable desde os valores democráticos.

5º Que consonte ao establecido na Recomendación 2006/962/EC, do 18 de decembro de 2006, do Parlamento Europeo e do Consello, sobre as competencias clave para a aprendizaxe permanente, os currículos establecidos en Galicia para o ensino obrigatorio incorporan o desenvolvemento de competencias clave, entendidas como aquelas que todas as persoas precisan para a súa realización e desenvolvemento persoal, así como para a cidadanía activa, a inclusión social e o emprego, incluídas aquelas de carácter social e cívico. Estas competencias clave teñen un carácter integral e transversal a todas as materias do currículo.

6º Que a Consellería de Cultura, Educación e Ordenación Universitaria, consciente da relevancia da formación do alumnado en valores democráticos para o exercicio das competencias sociais e cívicas, ao abeiro do establecido no Decreto 86/2015, do 25 de xuño, polo que se establece o currículo da educación secundaria obrigatoria e do bacharelato na Comunidade Autónoma de Galicia, posibilita o establecemento de materias de libre configuración autonómica a elixir polos centros docentes no horario establecido de libre configuración, entre as que oferta a materia denominada “Valores democráticos Europeos” en 1º e 2º de





educación secundaria obrigatoria. Esta materia ten por obxecto promover os valores requiridos para o exercicio dunha cidadanía democrática e responsable.

7º Que a cooperación entre a Consellería de Cultura, Educación e Ordenación Universitaria e o Parlamento que se procura neste acordo redunda nunha actividade máis completa e enriquecedora para o alumnado dos centros escolares públicos galegos.

As estipulacións deste convenio de cooperación abranguen a todos os centros educativos galegos de titularidade pública, con alumnado de 5º e 6º de educación primaria e 1º e 2º de educación secundaria obrigatoria.

A cooperación entre a Consellería de Cultura, Educación e Ordenación Universitaria e o Parlamento que se procura neste convenio redunda nunha actividade máis completa e enriquecedora para o alumnado do centros escolares públicos galegos.

Neste sentido, os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 ou doutro instrumento alleo á súa natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras, tal e como consta na memoria de trece de novembro de 2017 que iniciou a tramitación do expediente administrativo.

E para que conste, asínase esta memoria en Santiago de Compostela,

